




明詩正聲卷二十四 五言律詩五

廣陵

盧純學

江一夔



度居庸關

李宗樞

峻壁含雲迴飛湍接澗迴虛聞三峽險疑是五
丁開荒樹分天宇驚沙暗戍臺祗慚持節度豈
是棄繻來

登龍門洞望飛鳳山

趙時春

試攀龍洞口遙望鳳山岑秦隴迴天小岷梁絕

塞陰依微懸紫閣迢遞列青林千古雄圖在哀
歌獨至今

將兵北戍

建牙傳海岱飛檄達天都涿鹿雄三輔幽燕控
五胡風霆收戰色沙漠拱 皇圖上將須方略
還應出廟謨

旅懷

文徵明

陰凝河未泮雪盡歲還窮世事浮雲外生涯久
病中心旌搖落日天影度冥鴻短髮垂垂白那

堪犯朔風

春日宴包三川宅

張時徹

何處追歡賞雕軒白水濱草深時起霧地僻慣
藏春綠樹雲中吐青山雨後新圖書陳四壁知
是好竒人

遊觀音閣

同是宦遊客來登江上樓窓中雲不滅鳥下水
長流日薄海西樹鳥隨沙際舟長吟未能去宴
息草亭幽

溪上

緩步青溪上溪雲暗濕衣逢人不問訊日暮各
言歸月出鳥驚樹潮生魚上磯臨風無限思日
暮掩柴扉

十六至茂嶼莊作

迷却桃源路千章夏木稠青峰排漢出白浪挾
雲流樵唱風前亂桐花雨後收最憐河畔柳慣
繫木蘭舟

和荅戴太學少石

疊嶂圍山郭蕭蕭碧樹秋常將千日酒解脫一
生愁月下桓伊笛雲中庾亮樓知君興不淺魚
鳥日同遊

聞虜警

殺氣橫沙漠陰雲凍不飛薊門傳羽檄虜騎薄
郊畿夜月鳴刁斗霜風捲鉄衣誰將三尺劍斬
却郅支歸

招沈嘉則

故鄉胡不樂一去動經年綠水堪垂釣青山好

種田才應為衆忌狂不受人憐莫怪塵生甑床
頭富簡編

贈惟仲秀才弟

爾來披雨雪尊酒得相親鼓角青城暮山河芳
草新十年鄉國夢萬里寂寥身天路長相憶飛
騰及早春

上谷秋興二首

蘇祐

斧鉞臨荒塞關河屬暮秋雲黃遙鴈滅月黑暗
螢流烽火無傳箭邊塵不入樓所希枹鼓息功

豈在封侯

笳逐黃沙起鷗盤白草飛虜驕羶作帳戍苦鉄
為衣戰骨多應朽遊魂遠未歸邊城雲晝合寒
日淡無輝

出塞

高岱

狐塞風烟合狼山道路迴月明飛羽度雲暗射
鷗來邊草秋先白胡笳暮轉哀匈奴今未滅莫
上望鄉臺

懷李師孟水曹

別署秋光滿千帆霽色開海風吹月上江雨帶
潮來名著山公啓詩篇水部才不知登眺處誰
與共銜杯

高適登閣

向晚登高閣雲天入望遙陰森祗樹合颯沓雨
花飄歸鴈衝江霧孤帆落暮潮關河同寓目旅
思各蕭條

立春夜集李伯承宅

鷓鴣猶殘雪晴光動上林寒隨宮漏盡春入酒
杯深身世堪長嘯乾坤但苦吟百年能幾醉萍
跡任浮沉

再別董元漢

暫握天南手初嚴薊北程一封排闥入萬里負
戈行遠別憐消渴生還冀聖明白雲樓上月
無限憶君情

再寄李師孟

君為滄水使予卧白雲林古色青萍劍希聲綠
綺琴尺書明月夜千里故人心愁絕兵戈滿孤

鴻楚塞深

送王元美奉使江西

海內二三子天涯去住情
片帆江月冷孤劍使
星明塞北猶烽燧江南更甲兵
感時知有賦還擬寄同聲

貽李伯承

李生負高格瀟灑淨塵襟
抗俗榮名薄論交道
氣深一尊聊北海隻字可南金
玄草看充棟無人識此心

春愁

作客長無了春愁正不禁
苦吟增白髮貫酒盡
黃金笛裏思鄉淚笳邊出塞心
十年驚一夢空自愧朝簪

吳明卿再謫睢陽

謫去君何恨棲遲今古同名
從遷客重賦以遠
遊工駿骨傾燕市蛾眉出漢宮
黃金臺下柳折贈意無窮

過堠陽山居

華察

林泉愜嘉遁乘興訪幽踪野曠餘寒照山深多
亂峯潭烟生暮色水木澹秋容不是桃源地虛
疑物外逢

惠山寺與施子羽話別

看山不覺暝月出禪林幽夜靜見空色身閑忘
去留踈鐘隔雲度殘葉映泉流此地欲為別諸
天生暮愁

歲晚過圓通寺

扁舟一乘興歲宴訪禪林落日空門迴長松古

殿陰溪聲晚風急野色寒雲深坐入無生境因
窺靜者心

再過任大理別墅

溪南讀書處秋晚數經過寒照隱城樹蒼烟深
壁蘿窓明山翠近地靜葉聲多叢桂空岩暮徒
懷招隱歌

早春園居次僅初韻

樗散任吾真幡然早乞身不辭為圃陋聊給罷
官貧荷鍤初經雨開畦正及春猶憐聞道晚應

魏漢陰人

秦中允王侍御罷官歸天台

聞道天台勝山深多隱淪相逢采藥處俱是避
名人月出不知夜花開長見春何由一縮地結
宇共為鄰

夜宿田家

郊居觀穫罷暝色滿柴扉歲事山田薄人家茆
屋稀荒原寒照歛獨樹暮禽歸夜靜然燈坐高
窓黃葉飛

秋雨山中與僅初晚酌有感

時違幾早見身退意俱安五斗詎須問一尊聊
自歡山光捲簾暮雨色到池寒已信謀生拙寧
辭布褐單

送董鹿崖出守永昌

趙鯤

分土得金齒揚帆出石頭玉麟錫上國彩鳳下
南州春度花橋夜風生箭樹秋伏波銅柱外炎
海正安流

山中聽僧彈琴

陸郊

明言山莊 卷之三
八
祗樹談經罷瑤琴手自揮響疑和梵語清轉助
禪機絕壑踈泉度空山急雨飛塵心坐自遣從
此得皈依

黃浦

黃浦春潮漫奔流遶郭門戍樓連海蜃濠塹浴
江豚天帶孤帆影山懸片雨痕獨憐經亂處蕭
索不堪論

望皖城

陳紹文

皖城元據險秋望轉森森水接潯陽關山連建

業深戍樓寒樹合軍壘晚烟沉莫聽臨風笛空
摧去國心

叢臺

樊鵬

古人不可見古跡有叢臺霸業浮雲去君恩逝
水田歌聲出夕鳥舞影落蒼苔目斷關山外秋
情幾度摧

六合

聯轡向東邑朝來暮復還市廛通亂水城郭帶
秋山路出青楓外江流白霧間西行鄉思切愁

絕望昭關

邊客

王格

六郡良家子十年大漠行捐軀思報主辭賞不
邀名白草霜連劍黃沙雪作城秋來南鴈度猷
寄鳳樓情

憶家君

陸粲

白髮人千里朱門月半扉燕山雲去遠澤國鴈
來稀無夜不成夢有書空道歸遙憐北風勁尋
便寄寒衣

甘露寺次韻

屠應峻

甘露千年寺羣公攬轡過樓空吳楚盡江闊雨
雲多蜃氣連滄海琳宮隱碧蘿更聞幽絕處白
日走鼉鼉

夏日延綏捷至奉寄總制唐公

北虜安危繫中原節鎮雄君王親授鉞相國坐
臨戎瀚海軍麾動狼山轉戰空遙聞六月頌不
數太原功

學稼

袁袞

自卜山中住長從隴上耕清時非避世薄業且
謀生蓬戶貧原憲青門老邵平田園自可樂何
用狗浮名

夏日莊居

一畝自為宅五湖聊可家門陰徵士柳園熟故
侯瓜脫粟歲堪飽濁醪時肯賒誰能慕簪紱終
不易烟霞

達磨洞

三秋懷土望千里倦游情陰洞懸厓綴飛泉激
澗鳴雜花難辨種怪鳥不知名幽獨下雲嶠遙
聞清磬聲

賓州逢馬侍御君卿

同作炎荒客嗟君未賜環丹心戀北闕白首老
南蠻歲月杯中酒田園洛下山 聖朝無棄物
早召賈生還

病愈文太史見訪

杜門成市隱習靜好樓居不以文園病寧來長
者車庭開喧鳥雀竹翠淨琴書客散玄言罷蕭

然掩敝廬

崇壽寺閣晚眺

田汝成

虛閣晚來凭遙山紫翠凝
踈鐘雲外寺孤塔雨中
中燈自別金門侶長依竹院僧
蕭然無俗慮身似玉壺冰

玉泉寺

春深僧獨卧山僻鳥稀鳴
泉落階前細池分檻外清
岩花寒未發徑草潤長生
潏潏游魚樂悠然見我情

遊楷上人山亭

金大車

病起身猶健登臨興不孤
石泉當戶瀉山鳥入雲呼
敗葉秋皆墮寒烟晚欲無
此中堪閉戶還擬著潛夫

經廢寺有作

金身隨雨卧紺戶藉風開
聽法龍辭樹翻經石掩苔
藤花簷際落木魅洞中來
澗道千年檜山僧手自栽

懷顧台州華玉

王寵

總道天台守能迴寒谷春島夷通鳥道海市泣
鮫人雲木吟蒼佩山河擁絳輪千年重領郡康
樂是前身

郊外

萬物揔浮寄胡為車馬間雲將心不染川與影
俱閒沮溺自遺世巢由寧買山風光處處好隨
意不知還

午

日午閉關卧白雲空院幽鶯啼不離竹山氣忽
橫秋簷宇清虛入軒窓紫翠浮岩端有桂樹此
地可淹留

徐國公園林

當代麒麟客 先朝肺腑親鑿池分太液開閣
盛平津羽扇談名理鶉衣列上賓信陵高宴會
日暮擁朱輪

寄懷江北寺道林禪師

高應冕

寂寞憐玄度清幽憶道林雖依江北寺還是嶺
南心寒磬隨潮盡孤禪向月深懸知風雨夕護

法有龍吟

北上舟次京口

日暮維舟處秋風揚子灘
片帆潮共落孤嶼月同寒
江燕隨雲沒山花帶露殘
遠心逐流水萬里向長安

冬夜宿山寺

歲暮山中寺寒烟澹翠微
一燈僧共宿雙樹鳥同依
月上雪初霽雲寒鶴未歸
梅花吟不就寂寞掩柴扉

渡湘江有感

扁舟復可去五月下瀟湘
遙望蒼梧迥還憐楚水長
暮潮平野渡遠樹帶斜陽
渺渺雲山外何由見故鄉

山中晚過僧舍

黃葉秋山路雲深人跡稀
溪光映岩石松翠入荷衣
孤嶼幾花落斜陽一鳥飛
採薇歸路晚因扣遠公扉

秋晚放鶴亭

山閣日初沉湖虛抱夕陰鳥歸寒樹近僧入野
雲深落葉封荒徑輕烟瑣暮林空亭人不返孤
鶴有餘音

避寇山中即事

豈愛桃源隱幽栖雲谷深許多蕭瑟意總是亂
離心葉落憐荒徑鳥飛愁夕陰江城猶鼓角聽
罷欲霑襟

奉陪大司馬胡公遊勝果山望海門值雨

絕壑開松徑穿雲度石關觀兵因洗雨着屐為
登山古木滄江遠殘烟野戍間海南銅柱在直
欲控夷蠻

固城湖

金大輿

片月挂湖上清光獨夜看山城晴自濕水國晚
多寒靜覺鄉心急貧知客路難欲將江海意都
付一漁竿

送陳老歸四明

趙大綱

憶昔南湖上相逢有太丘而今復遠別其柰故
人愁綠樹葳山驛紅雲結海樓獨憐今夜月同

爾過吳州

滄浪亭

吳子孝

憔悴無與侶獨為江上行
風高石壁古日出寒潭
清荒逕落葉滿長天
孤鳥鳴寥寥碧波裡
端可濯塵纓

送黃武選出守安慶

楊博

畿郡得黃霸淮揚指顧間
澤分桐谷水春滿皖城
山報國心常赤談兵鬢
欲斑居然屏翰在卧治
出江關

送李僉憲兵備潯瀘

榆石逢君早秋風悵別深
十年滇海意五月渡瀘
心壩底雜羌俗川南本
漢音孔明遺範在此去
好追尋

翟石門師相巡行九邊

從來經略者分閩各西東
何似籌邊相全收出將
功九霄雙赤舄萬里一
彤弓回首松亭嶺還看
海日紅

十五夜旅懷

唐順之

暫輟明光草言從洛下游塵沙兩河夕風雨二
陵秋鏡有潘郎鬢囊無季氏裘更堪三五夜獨
自下西樓

山行即事

息馬依叢薄褰裳涉淺沙桃源無俗轍雲谷有
人家凍壑含朝雨晴峯聚晚霞相期白社裏共
聽演三車

暮春遊陽羨南山

洞口石縱橫流泉復有聲柴門何處入雞犬自
相迎靈草知昏曉時禽識雨晴非因罷官久誰
得此閒行

丹陽別王道思

久已廢逢迎蕭然世外情因君訪茅屋相送到
江城遠岫雲中出寒流水下行可堪此時別獨
自返柴荆

題金山寺與僧慧傑

何處尋龍藏停橈聽梵音中流一塔影遠樹萬
家陰僧定潮來去月明江淺深試將空水相湛

此慧公心

游陽羨南山

到處暗杉松多言路不通却從青嶂外轉入綠
園中谷口逢茶女溪邊狎釣童勿言踈散甚吾
亦是愚公

題青溪莊

城郭往來久獨憐湖上居素封千樹橘白首一
林書山客秋分蜜溪畔夜捕魚橫金豈不貴此
樂復何如

逢鴈

羅洪先

幾時來塞下烽火近何如道路多知己寧無一
札書江鄉今苦旱瘴癘且難除處處多繒繳投
身未可踈

自佛手巖入慈雲菴

結茅應未久初地暨相尋偶誦蓮花偈因憐祇
樹深嶺雲垂佛手巖石對禪心莫作陵伽鳥終
朝學梵音

山寺夜話

沈愷

年年二三月常自客天涯問竹何須主逢僧便
可家偶嘗新市酒翻憶故園花春事已不及虛
憐負歲華

遊育王寺

偶爾到山中東林訪舊踪遠山浮野色碧樹隱
房櫳梵磬寒相荅禪心澹與同因探石上果遂
悟萬緣空

漳水別唐太史之洛

陳東

漳河流不極離思渺難裁可堪今夜月復照別

時杯路向銅駝去人傳金馬來南征能作賦遲
爾兩班才

送張秀才省兄還句章

卧病寡營慮閉關生道心還聞異國法忽動故
鄉吟海樹延寒色山城結暝陰縣知康樂思春
草別來深

入辰州界

旅食不辭遠裹糧來入辰竹書分漢去卉服拜
蠻人慙作折腰吏其如橫目民祇宜千嶂色乍

可憫沉淪

都下秋雨夜飲王子長宅

闊別時何屢嗟跼鬢已侵還朝
明主賜卜夜
故人心涼雨杯初覆空堂漏欲沉
安知非夢寐
相對帝城陰

病懷二首

任瀚

茂陵已多病宋玉復悲秋
江遠音書斷天寒鴻
鴈愁霜燈見黃葉風露下長楸
永夜那能寐含
悽吟白頭

海甸逢南菊殊方也自花江淹新卧病王粲老
無家皓月千門夜秋風雙鬢華還持石函記勾
漏訪丹砂

聞錢寒齋訃

唐詩

憶昔移家遠慚吾出餞遲那知別離意竟作死
生期詎恨無從涕誰傳有道碑空餘詩草在讀
罷不勝悲

淨居菴訪興上人

陳堯

放棹尋支遁高林日下春人烟惟一鶴僧臘在

雙松梵宇窓前偈空林枕上鐘齋心渾不染門
對白雲峰

海沙弟置酒伴雲窩邀余與客同會即席

賦此

窈窕青蓮院溪迴一水長客衣逢霧濕僧茗覺
泉香花散藏經閣猿窺說法場塵緣如解脫清
淨禮空王

秋日

盧楓

秋來無一事暮景對蕭疎薄宦嗟多病窮愁擬

著書思家霜下月留客雨中蔬說道重陽近庭
前菊綻初

奉和裴督學遊靈巖

初夏招提境濃陰滿院深落花埋古砌新竹透
叢林地迥無人跡山空多鳥音飛仙將鶴去踪
跡杳難尋

馬上

馬上頻迎送官閒身未閒縣厓霜葉細疎雨菊
花斑故國聞兵變他鄉值歲艱乾坤雙老眼望

斷白狼山

明詩正卷

卷之三十四



